

صاحب امتیاز و سر محرری

اورفہ مبعوثی

شیخ صفوت

مرکز توزیمی باب عالی جادہ سندھ

جمعیت کتب خانہ سیدر

نسخہ سی ۲۰ پارہ در

تصوف

بالجلہ محررات در سعادت پوستہ خانہ سنہ

تصوف جریدہ سی نامہ کوندر ملیدر

قوطو نومرو سی ۱۴۳

شرائط اشترا

سنہ لکی ممالک عثمانیہ ایچون

۳۰ غروش ، مصر و ممالک اجنبیہ

ایچون ۷ فراقدر .

التصوف کلہ آداب : ابو حفص عمر بن مسلمہ

عرفای امتک مقالات عارفانہ لرینہ تصوفک صحیفہ لری آچیقدر

تصوفہ متعلق مباحث شتادن باحث و مکارم اخلاق اسلامیتک تعمیمنہ خادم مجلہ معنویہ در

برسنه جبل ابی قیسده توقف ایدوب بنه عین حجاجه
خطاباً ایچکزده اوئیس نامنده کیمسه وارمیدر؟ سؤالی
ایرادینجه مشارالیهک عیمسی (انیس) دن بن اوئیس اسمنده
دوه چوایی بر برادر زادهم واردرکه شیمدی عرفات
جانبدهدر. جوابی آلتجه همان اورایه عزیمتله مشارالیهی
بولورلر. (اسمک اوئیس میدر بیاض علتله مبتلا اولوب بعده
شفا بولدکی واولغلتدن اوزرند بر نشان قالدیمی والدک
وارمی) دیو مخبر صادق صلی الله علیه وسلم افندمز
حضرتلرینک اخبار بیوردینی خصوصاً ناسک کافهسنی
بالسؤال جمله سی تصدیق ایدیلنجه سمعت رسول الله صلی الله
علیه وسلم بقول دیهرک (سیدم علیکم رجل یقاله اوئیس)
الی آخره حدیث شریفی (۱) قرائت ایله دعا طلبنده
بولمش و مشارالیه جانبندن ده حق سعادترنده دعوات
خیریه ادا اولندقدن صوکره یا اوئیس هر نزهه کیده چک
ایسهک اورانک عاملنه بر توصیه یازمیده سکا احترامده
بولسونلر دیدکده بکا ناسک مجھولی اولقی ده مقبول
کلور یا امیرالمؤمنین جوایی ورمشدر.

اجله رواتدن ابن عساکر اشبو ملاقاتی شو
صورتله تصویر و بیان ایلمشدر: وقتاکه فخر عالم
صلی الله تعالی علیه و صام افندمز حضرتلرینک فم سعادت
نبویهلرندن (یدخل الحجة بشفاعة رجل من امتی اکثر
من ربیعة و مضر) کلام عالیسی شرفصدور ایدنجه
مجلس عالی پیغمبریده حاضر بولنان اصحاب کرام بوذات
ستوده صفات کیمدر یا رسول الله سواننده بولمشلر
طرف جلیل سید الانبیادن مشارالیهک اوئیس بن عامر
القرنی اولدینی بعدالبیان یا عمر! سن ملاقی اولنجه بنم
سلامی تبلیغ ایله کندک ایچون دعا طلب ایله! اوذات بیاض
علتله مبتلا اولوب وجودنده بر اثر قلمسنی نیاز ایدرک
اجابت اولندی بیورلمشیدی. بونک اوزرینسه حضرت
عمر مشارالیهی زمان فیض افشان سعادت ایله حضرت
صدیقک اوآن خلافتده هرنقدر تحری ایتدی وایتدر.

(۱) بو حدیث شریف حضرت عایشه روایتله یکن نسخهده

مطور ایدی.

دی ایسهده ملاقاته موفق اولمیب کندی خلافتلرینک
شرط اخیرینه مصادف اولان بر حج موسمنده ایچکزده
اوئیس اسمنده کیمسه وارمیدر دیو حجاجه خطاب ایله
مشارالیهک عیمسی (انیس) دن یا عمر المؤمنین اوکیمسه
بنم برادر زادهمدر. فقط اوئیه بر آدمدرکه بنم قبائلمز
ایچنده آندن غریب الاطوار و عجیب الاحوال کیمسه
یوقدر. خرابه لیده اوطوروب معمور محللره کیممز. ناس
ایلهده چوقلق اختلاط ایتمز جوابیله خلیفه نک سؤاله
لایق کورمور کچی بر حال احساس ایدنجه حضرت عمر
آغلامنه باشلا یوب سنی بوایده (هالکین) -ن کور یوروم
زیرا رسول الله صلی الله تعالی علیه و صامدن ایشتمد بیور-
دیهرک دیهرک مشارالیه حقنده شرفوارد اولان حدیث
شریفی قرائت و حضرت اوئیس کیدوب کنسیدیلرینک
ملاقات آرزوسندن بولندقلرینک سولیمسنی تنیسه
بیورلرلر.

ما بعدی وار

شیخ ناجی

ادبیات صوفیه

ابوالعلمین وغوث الثقلین سید احمد الرفاعی قدس الله
تعالی سره حضرتلرینکدر.

انی التجأت الی الذی رفع السما
ودخی بساط الارض فوق الماء

وهو الذی ادعوه فی سری اذا
جن الدجی باطائف الاسماء

ان عجز القلب الکسیر ورحم-
المبدل الفقیر ویکفی اعدائی

اشبو ابیات شریفه نک قرائتی: زوال شدت وانکشاف
کربت ایچون مجربدر.